
Rapport annual 2022

Alla fin digl onn 2022 munta igl inventari dalla Biblioteca Trun 4509 medias, quei 1871 per carschi, 1358 per giuvenils e 1280 per affons. La biblioteca ei stada aviarta 163 dis. Duront quei temps han 1663 persunas visitau la biblioteca ed han empristau biabein 4000 medias.

Egl onn 2022 ei il menaschi dalla biblioteca suenter la pandemia da Corona puspei senormalisau. Nossa clientella vegn puspei stedi tier nus per emprestar ils cudischs giavischai tgei che legra nus zun fetg.

Ils bauns da leger havein nus postau sco mintg'onn en ils tschun differents loghens: a Trun-Carmanera, a Trun spel Rein visavi la stalla Livers, a Schlans-Davaruns, a Rabius-Igniu sil plaz da giug ed a Cumpadials-Plaun Petschen sil plaz da giug.

El meins mars havein nus supplicau nossa clientella cun in questiunari online per lur meini per eruir schebein la biblioteca corrispunda a lur giavischs. La gronda part ei cuntenza cun nossa purschida e surventscheivladad. Las uras d'avertura havein nus suenter las rispostas amplificau, vul dir duront las vacanzas da scola ei la biblioteca aviarta il venderdis gia las 18⁰⁰ tochen las 20³⁰.

Ils 26 da mars 2022 havein nus envidau la populaziun ad in «di dallas portas aviartas». Cun plascher havein nus astgau beneventar varga 50 persunas ch'han priu peda da visitar la biblioteca.

Ils 18 da matg 2022 havein nus fatg in'emprova da leger sezzas ord in cudisch da nies inventar. Deplorabel ein mo zacontas persunas stadas presentas. La damonda da tedlar ei buc avonmaun, aschia che nus vegnin a studegiar zatgei auter per in'otra ga.

Ils 6 da settember 2022 a caschun dil project da sanadad «Co vai cun tei ?» ha Giuventetgna Cadi ensemen cugl uffeci da sanadad Grischun organisau ina sera da prelecziun cun René Schnoz ord il cudisch «Nachts im Dunkeln» da Valentin Vincenz. Il team dalla biblioteca ha preparau in pign apéro per in vast publicum.

Ils 7 da december 2022 ha il Casperet visitau la biblioteca. Treis premuradas dunnas da Mustér han giugau cun las poppas marionettas ina biala historietta. Ils affonets han tedlau cun buccas aviartas ed ein sfundrai ella raquintaziun.

A nossa fideivla clientella auda nies sincer engraziell fetg per las visetas en biblioteca.

Per la Biblioteca Trun: *Olivia Pfister-Tgetgel, caubibliotecara*